



Ka moo qwaha e fumaneng metsero ka teng



Kgalekgale, diqwaha
tsohle di ne di le
tshweu ka mmala.






Monghadi le Mofumahadi
Qwaha ba ne ba menngwe
moketeng. Ba ne ba
batla ho shebahala ba
kgethehile yaba ba itshasa
ka mebala e kganyang.





Ba shebana yaba Mofumahadi
Qwaha o re, "ka nnete ha re
shebahale re le batle!" Monghadi
Qwaha a dumela.

Monghadi Qwaha a nka qeto
ya ho tshasa sefuba sa hae
ka mmala o motsho, ha
Mofumahadi Qwaha a tshasa
maoto a hae ka botsho.





Empa le ha ho le jwalo, ba se ke
ba rata kamoo ba shebahang ka
teng, jwale ba tlosa pente
ka ho e hlatswa.

Jwale ba nka qeto ya ho tshasa
mmele ya bona yohle ka metsero
e metsho. Ha ba qeta, ba
shebana, ba rata seo ba se
bonang. "Jwale re shebahala
re le batle," ba rialo.

Ba tloha ho ya moketeng,
ba ikutlwa ba le motlotlo.




Ha Monghadi le Mofumahadi
Qwaha ba fihla moketeng,
diphoofolo tse ding di ne di
makaditswe ke kamoo ba
shebahalang kateng.

"Le shebahala le le batle" ha
rialo tlou. "Le shebahala le le
dipabala" ha rialo kubu.

"Le shebahala le babatseha"
ha rialo tshukudu.


"Re leboha haholo." Ha rialo
Monghadi le Mofumahadi
Qwaha. "Le rona re rata
metsero!"




Bohle moketeng ba
ratile metsero.

Mofumahadi Thuhlo o
bolelletse Mofumahadi
Qwaha hore mela e
ba tshwanelo e le ka nnete.

Le Morena Tau o ba
bolelletse kamoo ba
leng batle kateng.






Morena Tau a eletsa ka hore
diqwaha tsohle di itake ka
metsero e metsho. Hobane tau
e ne e le morena, diqwaha
tsa phetha taelo.






Ka morao ho matsatsi a mmalwa,
diqwaha tsa ya nokeng ho ya
hlatswa metsero, empa mela ya
se ke ya tloha.

Ho etsahetseng? Letsatsi le
ne le tjheseditse mela mmeleng
ya tsona.



Ho fihlela kajeno, diqwaha di
hloleha ho hlatswa metsero ya
tsona.

Ke ka hoo diqwaha di nang le
metsero e metsho.



Diqwaha tse nyenyane tse robong

E le nngwe e nyane,
tse pedi tse nyane,
Tse tharo tse nyane,
tse nne tse nyane,
tse hlano tse nyane
tse tshelela tse nyane,
tse supa tse nyane,
tse robedi tse nyane,
tse robong tse nyane
Di matha ho feta nahathote


Ha re
bineng



Temoso ya titjhore:

Bina jwalo ka
Maintiya a manyane
a leshone

Tse robong tse nyane,
tse robedi tse nyane,
Diqwaha tse supa tse nyane
tse tshelela tse nyane,
tse hlano tse nyane,
diqwaha tse nne tse nyane,
tse tharo tse nyane,
tse pedi tse nyane
qwaha e le nngwe e nyane
Di matha ho kgutlela hae.



- Qwaha e nngwe le e nngwe e na le paterone e fapaneng ya mela e metsho le e mesweu.
- Diqwaha di na le mehatla e melelele (50cm).
- Diqwaha di robala di eme.
- Diqwaha di ja jwang.



Tshela qwaha (moo ho tshelang batho ba tsamayang ka maoto) ho rehelletswe ka mmala o motsho le o mosweu wa mela wa diqwaha.



Diqwaha ke tsa leloko la bodipere le ditonki.

Mesebetsi e balwang ka dihlopha



I

Balla motswalle wa hao dipolelo.

Jwale bala dipolelo tsohle ka ho
latelana ho nepahetseng.

- a. Diqwaha tsohle di pentile metsero mmeleng ya tsona.
- b. Morena Tau le yena o itse di shebahala di le ntle.
- c. Monghadi le Mofumahadi Qwaha ba itakile ka mebala e fapaneng pele ka morao ho moo ka mela e metsho.
- d. Letsatsi la tjheselletsa metsero mmeleng ya bona mme ba hloleha ho hlatswa mela.
- e. Monghadi le Mofumahadi Qwaha ba ne ba batla ho shebahala ba le batle ha ba ya moketeng oo ba memilweng ho ona.
- f. Diphoofolo tsohle di ratile metsero.
- g. Ke ka lebaka leo diqwaha di nang leng metsero e metsho.



2

Etsang papadi ka pale.




3

Bala dipotso ebe o bolella motswalle
wa hao dikarabo tsa tsona.

- a. Ke eng sehlooho sa pale?
- b. Ke bomang baphethwa ba sehlooho paleng?
- c. Ba ile ba etsa eng hore ba fetoh?
- d. Diphoofolo tse ding di ile tsa nahana eng ka diphetoh? tsa bona?
- e. Naa o ile wa rata pale?

Fana ka mabaka a karabo ya hao.





4

Kopisa o qetelle tafole bukeng ya hao
ya ho ngolla.

- a. Fumana mantswe a medumo e latelang paleng
ebe o e ngola fatshe.

oo	ol	-ng
th-	sh	tsh-

- b. Disinonime/mahlalosonngwe a mabedi a
lentswe ntle paleng ebe o a ngola fatshe.
c. Fumana dipolelo paleng tse nang le
matshwao a feelwana, kgutlo le makalo.
Di kopisetse bukeng ya hao.



5

Ngola pale ka mantswe a hao.
Ngola seratswana sa dipolelo
tse ka bang hlano.